

西域總志

下

西城志

T

異域瑣談外藩列傳卷之四

椿園七十一著

巴西周宅仁汶江編輯

男培垣鎮安校訂

哈薩克列傳

哈薩克回子一大國也或曰即古之大宛乾隆二十一年大兵進勦入其巢穴其王阿布賴面降與中國通歸服王化受封爵奉正朔人民土宇盡入版圖其地無城郭屋宇之定居無農桑五穀之種植毡帳為家游牧為業分布散處無愛曼聚落地多平岡漫嶺草生被野皆綠葉白根長

四五寸許牲畜食之易於肥字稱其君長曰比凡相呼皆以名今其王名阿布賴其人皆呼之曰阿布賴比也幅幘遼廓人戶殷繁多牲畜富者馬牛以萬計羊無算娶妻數人列布而居各踞牧場其夫輪流宴處即貧者亦有牛馬數百羊數千不至缺乏衣食生子十六歲即分出予以牲畜使自為紀理宴會以馬牛駝羊為饌馬潼為酒器用木盤木碗木勺富者銅錫為之衣以多為華美雖暑月亦被服八九層喜中國之瓷茶雜色梭布及片金倭緞之屬得之寶貴紬緞絲綾亦不甚加愛惜無刑罰紀律不甚聽其

王之令如其人惡則衆議罰之罪小以牲畜大惡則殺之
而分其畜產亦不白其王即禦外侮亦王與回衆約會計
議而後行不願者亦不能相強歲有應納中國之稅馬牛
千取一羊百取一伊犁將軍遣官往徵收亦必其王再四
曉諭其衆而後納焉風俗與回疆回子相似但不知禮拜
諷經亦間有食猪月者貴男賤女婚嫁男女以歌互對相
悅者成偶有似蠻人之跳月哈薩克兩種皆回子其一為
阿布賴比及其弟阿布爾必斯阿克布爾班必並各台吉
所屬與新疆之伊犁捷拉巴哈臺地界相連臣服中國每

歲驅其牲畜而來換易紬緞而去其比界之哈薩克來通
中國人戶尤強盛云

椿園氏曰漢貳師將軍李廣利將衆數萬出燉煌萬里殺
宛王取汗血之馬三十餘匹身膺封侯當時之神其說者
有龍種之號天馬之稱哈薩克地固產馬通國所有萬
不能紀其數然雖高大而亦率多銑弱調良俊快者千不
得一烏覩所謂汗血之馬乎地既寬肥草特宜於游牧以
故家給人足牲畜遍野然近按集延布魯特時相攻擊弱
者之月強者之食矣

布魯特列傳

布魯特回子之一部落也地居按集延喀什噶爾之間亦與伊犁連界幅幘寬廣戶口繁多控紘數十萬人稱其君長曰比其比或有管領一二十愛曼者或有管領三四十愛曼者愛曼人戶即其阿拉巴圖其比死立其比之子若弟他人不能占立也然亦各君其國各子其民勢均力敵無統轄專制之人不畜髮辮禁忌猪肉不食衣窄袖殿前襟帽頂平矩方與按集延回子相似女子挿雉尾於帽為飾風俗言語與回疆回子大同小異而禮拜納馬茲者百

中不過一二人間有耕種二麥而毡帳為居遊牧為業以
肉為食以牛馬乳為酒則額魯特之風也喜中國之瓷茶
紬布火烟燒酒得之寶貴人貧苦强悍輕死重利好叔奪
喜殺擄健於戰鬪烏鎗木矛馳驅於平原曠野之間衝突
無前以故附近之哈薩克博雅爾等處皆畏憚之即準噶
爾強盛之時不能臣服之回子出邊及外藩入內之貿易
人等經其地者往、為布魯特標叔而去然葉爾羌喀什
噶爾駐劄之辦事大臣傳諭查究其比亦將所奪之馬匹
貨物一一送還布魯特各比歲遣人至烏什與叅贊大臣

請安進

大皇帝馬匹者絡繹不絕乾隆二十三年大兵征討霍集占其
附近喀什噶爾之布魯特比阿奇穆震驚

天威帶領管下人戶攔截霍集占與之打仗有功

上嘉悅加阿奇穆為散秩大臣授職搭什伯里克回城之阿奇
木伯克布魯特比如故其餘頭目酌賞頂翎有差令其十
九愛曼人戶樸處於葉爾羌喀什噶爾烏什之間深山密
林之中安居游牧其回城之納錢米賦稅向係喀什噶爾
阿奇木伯克徵收轉行交納三十九年散秩大臣布魯特

比阿奇穆與喀什噶爾阿奇木伯克公噶達墨特不和阿奇木具呈烏什叅贊大臣以回子布魯特均係

大皇帝奴僕交納賦稅理之當然奈何使回子噶達墨特徵收我等錢米以後遇交錢米之時我等自向喀什噶爾糧餉局交納等語從之

椿園氏曰富則惰淫窮則攘攫西域之陋習大較然也布魯特地不沃肥無農桑之利山多磽确乏游牧之資故其人貧則盜則習於強梁然勢分無所統一亦不能為隣境之害而闕其地宇夫鼯鼠之營飽於數粒鷦鷯之志

穩於一枝其伎倆則有然耳

按集延列傳

按集延回子一部落也其漢額得納最為表著額得納死其弟納拉帕塔繼立為漢統領回城最大者曰豪罕三萬餘戶為其漢之巢穴次曰瑪拉噶爾二萬餘戶次曰奈曼十萬餘戶最小之城曰按集延數千餘戶耳四城各有頭目管轄其人皆其漢之阿拉巴圖而奉其教令二十三年以後與中國通歸入

王化地在喀什噶爾西布魯特邊境之外有屋宇田園村堡城

市人穀食以穀為酒耕種白米二麥棉豆穀米果園菜圃
皆盛葡萄桑杏蘋果梅梨石榴木瓜之屬皆產焉而多桃
數十百頃成林紅白種類奇異牧放牛馬駝羊畜雕圍獵
無髮辮不食猪肉皆與喀什噶爾回子同言語亦通但衣
皆圓領窄袖開厥前襟帽無尖翅矩方上平耳其人率善
居積權子母載貨遍遊入鄂羅斯則載其噶拉明鏡及玻
璃器各種皮張之類入克食米爾溫都斯坦則載其金銀
絲緞玉器駝絨新巧什物之類累歲經年奔走道途冒霜
雪犯危險與各處通有無而於其中漁利自肥西北各國

及內地皆呼之為按集延回子亦猶回疆各城至外藩各國者皆呼為喀什噶爾回子也

椿園氏曰按集延喀什米爾皆西域商賈之鄉按集延尤與回疆隣近其人之往來者尤多而儉嗇褊急亦復更甚然寄跡回疆土人皆惟恐其去去則其地之貨財不能流通而回人大有不便者矣

博羅爾列傳

博羅爾西域別一種也在葉爾羌西以土築屋而居有村落烟戶不禮拜不把齋不知字紀不通回子語言飲食無

所忌絕非回子種類惟衣帽與按集延畧似耳其人率深
目高鼻繞喙多鬚男女無別最無人倫凡弟兄四五人共
娶一妻次第歇宿以靴掛門為記生子女亦以次第分認
無兄弟者與戚里共之次以齒地皆沙磧鹹鹵可耕者少
人貧苦乏衣食歲收不過麥米一半畝而已多桑取甚爆
乾為糧及山羊之乳藉以糊口酒以馬潼為之亦不可多
得稱其君長曰比其次頭目名色亦不一至取於下則以
人為稅凡生子女六七人納於上者三生四五人納於上
者二生二三人納於上者一其王及其頭目所取於下之

多寡以次為殺所取子女鬻於溫都斯坦哈薩克按集延
及內地回疆等處為奴值頗昂每口以五六十金八九十
金為率其比及其頭目人等取值自給性怯懦往為布
魯特沙閏記擄掠人口鬻於他處亦不能較云

椿園氏曰回俗雖凶荒之極無賣男鬻女之事故大户回
人奴僕甚稀所有者皆博羅爾子女耳近年以來土尔扈
霍碩特亦賣於回人為奴而偷竊逃亡不旋踵而去者往
往矣

鄂羅斯列傳

鄂羅斯邊外最大之一國也東界朝鮮南界中國西北隣
控噶爾東西之境二萬餘里而南北窄狹自千里至三千
里不等稱其王曰汗自鄂羅斯之察漢汗沒無子國人立
其女為汗嗣後皆傳女迄今已七代矣仍襲察漢名號稱察
漢汗其女主有所幸或期年數月即殺之生女留承緒統
謂其汗之嫡嗣生男則謂之他人種也故其汗皆以女傳
其人深目高鼻睛正碧鬚髮亦黃男女皆畜髮男髮頻以
膠水刷之使其卷曲女梳髮為髻男衣縛身遍體扣繞女
衣裙衫領袖皆如汗裝但不纏足耳無褻衣故裙長而兩

襲以銀為錢鑄紋綃其汗之面重七錢餘謂之拉斯朗以
洋算成歲分至啓閉建閏薄蝕纖杪無差好樓居有四五
上者梁柱頂壁皆用木密灌灰油不須磚瓦之屬而金粉
雕飾極盡人工多開窗四達或飾以各色玻璃或鏤金銀
銅絲以隔蔽之次用其國之細皮紙率多修整可觀木植
既多故火禁最嚴一有不測則萬家灰燼室中皆椅机床
几其人不能盤膝跌坐男女日必沐浴以示芳潔見人則
接吻為禮無拜跪拱揖之文嗜佳茗然必調糖而飲之食
以麥麵為常魚為上饌猪次之以大苺為佳品人人酷喜